

*MASTER
NEGATIVE
NO. 92-80667-3*

MICROFILMED 1992

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

WIETFELDT, AUGUST

TITLE:

DE GENERIBUS DIVERSIS

PLACE:

HILDESCHEIM

DATE:

1874

Master Negative #

92-80667-3

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

BKS/SAVE Books	FUL/BIB	NYCG92-B37485	Acquisitions	NYCG-NEH
FIL ID NYCG92-B37485 - Record 1 of 1 - SAVE record				
+				
ID:NYCG92-B37485	RIYP:a	ST:s	FRN:	MS: EL: AD:06-08-92
CC:9668 BLT:am	DCF:?	CSC:?	MOD: SNR:	AIC: UD:06-08-92
CP:qW L:qer	INT:?	GPC:?	BIO:?	FIC:?
PC:s PD:1874/	REP:?	CPI:?	FSI:?	ILC:???? II:?
MMD: DR: POL:	DM:	RR:	COL:	EMI: GEN: BSE:
040 NNC:CNNG				
100 1 Wietfeldt, August.				
245 10 De generibus diversis carminum Theocriteorum et loco quodam idyllii XV				
III difficilliore+h[microform].+cVom Dr. August Wietfeldt.				
260 Hildesheim,+bDruck von Gebr. Gerstenberg,+c1874.				
300 13 p.				
LDQ ORIG				
QD 06-08-92				

Restrictions on Use:

TECHNICAL MICROFORM DATA

FILM SIZE: 35mm

REDUCTION RATIO: 13x

IMAGE PLACEMENT: IA IIA IB IIB

DATE FILMED: 8/19/92

INITIALS M.D.C.

FILMED BY: RESEARCH PUBLICATIONS, INC WOODBRIDGE, CT





AIM

Association for Information and Image Management

1100 Wayne Avenue, Suite 1100
Silver Spring, Maryland 20910



301/587-8202



Centimeter



Inches



MANUFACTURED TO AIM STANDARDS
BY APPLIED IMAGE, INC.

no. 3

PROGRAMM
des Gymnasiums und der Realschule I. Ordnung
des
KÖNIGLICHEN ANDREANUMS
zu
HILDESHEIM.

Ostern 1874.

Inhalt:

1. De generibus diversis carminum Theocriteorum et loco quodam idylli
difficiliore. Vom Dr. August Wietfeldt.
2. Schulnachrichten. Vom Director Dr. M. Hoche.

HILDESHEIM.
Druck von Gebr. Gerstenberg.
1874.

De generibus diversis carminum Theocriteorum et loco quodam idyllii XVIII difficiliore.

Carmina omnia, quae jure Theocriti habentur, saepissime quattuor generibus concluduntur, quorum primum carmina bucolica et mimica, alterum epica, tertium lyrica, quartum denique epigrammata comprehendit¹⁾. Multi aliter distribuerunt²⁾, nos illam distributionem ut aptissimam tenemus. Continent autem plerumque libri Theocritei triginta idyllia, viginti quinque epigrammata. Omnia haec carmina Theocrito adscribenda esse, nemo jam hac aetate contendit; immo magnam eorum partem per errorem quendam in libros manuscriptos irrepsisse existimandum est. Quae vero pro dubiis et spuris habenda sint, adhuc res in ambiguo versatur³⁾, gravissimis certe argumentis verisimile fit, idyllia XIX, XX, XXI, XXIII, XXVII, XXX, praeterea epigrammatum haud exiguum partem a Theocrito profecta non esse. De his carminibus, quae etiam nos ab tota hac quaestione sejunximus, alius fortasse erit disserendi locus, nunc quid de diversis carminum Theocriteorum generibus statuendum sit, paucis ostendamus.

Primum igitur dicam de mimicis et bucolicis Theocriti carminibus, quae ut recte intellegamus, altius repetendum videtur. Traditum nobis est, jam antiquissimis temporibus apud Siculos et finitimas Italiae gentes genus quoddam poseos mimicum floruisse, cantilenas illas scurrarum sive *γέλωτοποιῶν*, qui carminibus ex tempore compositis audientium animos oblectabant⁴⁾. Inculto hoc carminum genere inprimis autem Siculi insignes erant, inter quos quinto saeculo Epicharmus ille comoediam invenisse dicitur⁵⁾. Verum summam in hoc genere Sophron gloriam consecutus est, cujus *μίμοι* etiam a Platone collaudantur. Hos ita instituerat, ut dialogi forma et oratione adhibita soluta, cui numerum quendam

¹⁾ Cf. Ad. Theod. Herm. Fritzsche, Theocrits Idyllen, Einl. S. 3.

²⁾ Distributionem Henr. Carol. Eichstaedt: Adumbratio de carminum Theocriteorum ad genera sua revocatorum indole ac virtutibus, Lipsiae 1794 — distribuit autem omnia carmina in carmina bucolica, carmina mimica, carmina varii argumenti — propterea potissimum falsam esse judico, quod carmina bucolica et mimica tam arte cohaerent, ut discriminari nullo modo possint, reliqua autem carmina tantum habent diversitatis, ut ad unam omnia referre classem ac veluti familiam minus aptum videatur.

³⁾ Videantur inter alia, quae de hac re disputavit initio hujus saeculi Ernestus Reinhold: De Theocriti carminibus genuinis et suppositiciis. Jenae 1819.

⁴⁾ Hanc consuetudinem etiam posteris temporibus in usu fuisse, docet Hor. Sat. I, 5, 51, quocum cf. Plat. Legg. I, pag. 637 B., Bode, Gesch. der hellen. Dichtk. 3, pag. 96.

⁵⁾ Cf. Theoc. Epigr. XVII: *Ἄγε παρὰ Δωκιος χῶν' ὅς τ' ἄν κωμῶδ' ἔειπ' Ἐπίχαρμος.*

addidit, vitam moresque plebis depingeret et mox jocis delectaret, mox gravioribus verbis ac sententiis uteretur. Hos igitur mimos Theocritum non solum imitatum esse, sed ipsa quoque mimorum quorundam argumenta inde transsumpsisse, ipse Schol. ad Theocr. id. XV his testatur verbis: *Παρέπλασε δὲ τὸ ποιημάτων* (sc. id. XV) *ἐκ τῶν παρὰ Σώφρονι θαμμένων τὰ Ἰσθμια*. Eo quoque referenda sunt verba haec carmini secundo, quod inscribitur *Φαρμακείτρια*, praemissa: *Τὴν δὲ Θεοτύλιδα ὁ Θεόκριτος ἀπειροκάλως ἐκ τῶν Σώφρονος μετήνεγκε μίμων*. Hac ipsa autem imitatione, quanta Theocriti virtus atque ingenuitas fuisse videatur, perspicui potest. Nam cum Sophron sermonem hominum vilioris conditionis cotidianum totus sequeretur et orationem solutam usurparet, Theocritus hos rudes, ut ita dicam, mimos ita ad id, quod assequi voluit, accommodavit, ut et dialectum ipsam excoleret poliretque et versum hexametrum adhiberet. Id quanta cum arte factum sit, optime id. XV cognoscitur, quod carmen cum ob veritatem, qua mulierum indoles moresque describuntur, tum ob rerum varietatem et qua Ptolemaei regis et Arsinoes reginae laudes admiscuntur elegantiam ad unum omnes viri docti ita laudibus cumularunt, ut his plura addere supervacaneum sit. Huic carminum classi praeterea subjicienda sunt idyllium II et idyllium XIV, quorum illud Vergilius expressit eel. VIII inde a versu sexagesimo quarto, hoc ad Sophronis mimorum exemplum composuisse Theocritus videtur. Declarant id omissis aliis non solum personae quae inducuntur, sed etiam earum mores ac vitae ratio, inprimis autem creberrimus proverbiorum usus, quae Sophron ubique mimis suis immiscuisse dicitur⁶⁾.

Haec hactenus de mimiciis. Paulo copiosius de carminibus bucolicis dicendum est. Totam autem rem optime sic institui arbitror, ut primum quid potissimum discriminis intersit inter carmina bucolica et mimica paucis ostendamus, tum ea quae nobis de origine eorum tradita sunt, quam brevissime absolvamus, denique quomodo a Theocrito tractata sint, accuratius agamus. Adnumeranda autem iis sunt id. I — id. XI, excepto id. II, quod jam mimiciis attribuimus.

Discrimen omne inter carmina bucolica et mimica hoc videtur esse, ut carminibus mimiciis hominum inferiore loco natorum mores dramatica ut ita dicam imitatione exprimentur, bucolicis pastorum vita ac fortunae describantur et in eo potissimum poeta versetur, ut quid agant et quibus inter se carminibus certent, velut ante oculos nobis colloct. Totum igitur discrimen in personarum commutatione cernitur. Quam ob rem cum tot habeant similitudines, opinionem illam carmina bucolica, ut novum quoddam poeseos genus, inventa esse a Theocrito credentium, a recto aberrare puto. Immo vero hoc dicendum est, ejusmodi cantica jam Theocriti aetate in populi, inprimis autem in pastorum ore viguisse, Theocritum vero haec ipsa carmina inculto quodam modo composita ad certas leges poeticas revocasse, praesertim cum ex iis, quae de poetis illis Siculis ac Tarentinis memoriae tradita sunt, Epicharmum dico, Sophronem, Rhinthonem *φλυαρογράφον*, quamquam carmina ipsa interierunt, tamen hoc certissime apparere videatur, multum jam ab iis collatum fuisse ad excolendam poesin bucolicam. Quid igitur mirum, illis temporibus etiam apud alias gentes, ut in insula Co, hanc poesin floruisse? Hinc initia quoque carminis bucolici quae fuerint, veteres ipsi diversissime narrant⁷⁾.

Multi originem ejus Lacedaemone quaerunt. Nam Persarum bello Graecis omnibus summo metu perculsis, cum festum Dianae Caryatidis instaret et virgines, quibus sacra de more faciendi erant, urbe egredi non auderent, pastores ad templum accedentes sacra fecisse deamque suis carminibus celebrasse memorantur, quae carmina cum valde placuissent, inde ab illo tempore servata sunt. Alii primum id apud Tyndaritanos in Sicilia in consuetudinem venisse tradunt. Orestes enim surreptum ex Scytharum terra Dianae simulacrum cum oraculo septem rivis ex uno fonte effluentibus lavare juberetur, Regium profectus *ἐν τοῖς διαχώροις* qui dicebantur *ποταμοῖς* scelus abluvit. Tum Tyndarim se contulit ibique

⁶⁾ Cf. Demetrius de eloquent. §. 157: *σχεδὸν πάσας ἐκ τῶν δραμάτων αὐτοῦ τὰς παροιμίας ἐκλεῖψαι ἔστιν*.

⁷⁾ Cf. Donat. Vita Verg. c. XXI.

rustici deam canticis suis coluerunt, ex quo tempore hic usus ortus est. Tertia postremo hujusce rei fabula haec est. Syracusis discordia magna olim inter cives exorta multisque jam interfectis, cum tandem reliqui pacem confirmassent, Dianam, cujus beneficio restituta esse amicitia videbatur, donis prosecuti, laeti rusticis carminibus pastores canebant, quae res in dies magis pernotescent usu paulatim recepta mansit. Haec fere de origine carminis bucolici memorantur. Tres autem hae fabulae in eo omnes conveniunt, ut ab hominibus rusticis aut pastoribus carmina illa cantata et in Dianae honorem, ejus festum semel in singulis annis agebatur, celebrata fuisse consentiant. Utrum vero ex Sicilia an Lacedaemone originem duxerint, veterum quae commemorantur testimonia in contrarias partes discedunt. Monet igitur res ipsa, ut etiam apud alias gentes hanc poesin floruisse arbitremur. Quod autem in tali re fere fieri solet, ut unum potissimum homines summis laudibus efferant, quod primus majore quadam arte usus sit, id etiam in hac re evenisse videas. Notissimae sunt fabulae illae Siculorum, quae partim Daphnidi, partim Diomo cuidam hanc gloriam impertiunt. Cf. Athen. XIV, pag. 619 A: *ἦν δὲ καὶ τοῖς ἡγουμένοις τῶν βοσκημάτων ὁ βοσκολιασμός καλούμενος*. *Δίωμος δὲ ἦν ὁ βοσκός Σικελιώτης ὁ πρῶτος εὐρὼν τὸ εἶδος* *μνημονεύει δὲ αὐτοῦ Ἐπίχαρμος ἐν Ἀλκνόνι καὶ ἐν Ὀδυσσεῖ ναναγῶ, et quod Diodorus Sic. IV, 84 de Daphnide affert: φύσει δὲ διαφόρῳ πρὸς εὐμέλειαν κεχορηγμένον ἐξευρεῖν τὸ βοσκολικὸν πλῆγμα καὶ μέλος, ὃ μέχρι τοῦ νῦν κατὰ τὴν Σικελίαν διαμένον τυγχάνει ἐν ἀποδοχῇ*⁸⁾.

Jam quomodo haec carmina instituta fuerint, hoc potissimum inde colligas, quod Theocriti scholiastes quidam de hac re commemorat, ejus totam narratiunculam, ut exscribere longum ac supervacaneum videtur, ita omnino silentio non praetermittam. Pastores enim festis quibusdam diebus in agros descendebant urbesque ingressi in omnium conspectu carminibus suis inter se certabant⁹⁾. Qui certamine superior discessit, in urbe mansit; reliqui autem per vicos mendicabant, versus hos cantantes¹⁰⁾:

*Δέξαι τὰν ἀγαθὴν τύχην,
δέξαι τὰν ὕλειαν,
ἃν φέρομεν παρὰ τὰς θεοῦ,
ἃν ἐκαλέσσατο τίηνα,*

quibus versibus cantandi hunc morem gregibus salutem ferre significatur. Ex omnibus igitur iis, quae adhuc attulimus, carmina bucolica artissime cum deorum cultu ac religionibus cohaerere et jam antiquissimis temporibus per Siciliam vulgata fuisse, plane cognoscitur. Quae cum ita sint, etiam ut ad Theocriti tempora multa ex his canticis permanasse existimandum est, cum praesertim in duobus tribusve ejus idylliis manifesta quae ad illa referenda sunt vestigia reperiantur. Sufficit hoc loco threni illius in Daphnidis mortem¹¹⁾ mentionem fecisse, quod carmen totum ad vetusta illa cantica adumbratum esse omnes viri doctissimi consentiunt¹²⁾.

In his autem carminibus ex populi vita ac consuetudine, ut ita dicam, veluti depromptis magna certe inerat vis poetica, qua nescio an maxime Theocritus ad has imitationes impulsus esse videatur. Nam oppressa ad Chaeroneam Graecorum libertate in dies magis a vita poesis recesserat, Alexandriae autem inprimis multi tum exstiterant ut summa insignes doctrina ac scientia, ita paene sine omni ingenio ac laude poetica, quorum carmina, cum doctrinae potissimum speciem sectarentur, si cum reli-

⁸⁾ De Daphnide cf. praeterea Parth. Erot. 29; Aelian. Var. Hist. 10, 18; Welcker, Jahrb. für Phil. 1829, p. 284; Hauler, de Theoc. vita et carm. Friburgi Brisg. 1855, pag. 43.

⁹⁾ Cf. Ad. Th. H. Fritzsche, de poetis Graecorum bucolicis. Gissae 1844, p. 13; J. Hauler, de Theoc. vita et carm. p. 43.

¹⁰⁾ Cf. Schol. Theoc. ed. Dübner p. 1.

¹¹⁾ Cf. id. I, 64 sqq.

¹²⁾ Videantur J. P. E. Greverus: Zur Würdigung, Erklärung und Kritik der Idyllen Theocrits, Oldenburg 1850, p. 26 et Finkensteinius: Arethusa p. 8.

quorum Graeciae poetarum contuleris, quanti aestimanda sint, perfacile cognoscas. Magna igitur Theocrito laus tribuenda est, quod ad pristinam simplicitatem rediens id ipsum genus poeseos tractandum sibi legit, quod tum certe aptissimum fuisse, aequalium studia et imitationes docent. Primus igitur Theocritus carmen bucolicum artificiosius quodammodo tractavit idemque ita perpolivit, ut nemo unquam eum non modo non superasse, sed ne adaequasse quidem videatur. Hoc quibus potissimum auxiliis assecutus sit, paucis ostendatur.

De Theocriti carminibus bucolicis quid iudicandum sit, si recte discernere velimus, id maxime cavendum videtur, ne quid poeta his carminibus exprimere voluerit, falso accipiamus. Namque non eo composita sunt consilio, quo legi hac aetate expetique Gessneriana cupidissime solebant, ut intuenda pastorum conditione beatae simplicitatis iacturam consolemur, sed id unum poeta propositum sibi habet, ut lectoribus in ipsam actionem deductis pastoritiae vitae accuratam imitationem exhibeat et ita depingat, ut dum legunt rebus ipsis interesse ipsosque pastores in montibus cum gregibus ambulantes cernere, cantibusve suis inter se certantes quasi exaudire sibi videantur. Itaque adumbranda huius vitae simplicitate tantum abest, ut lectorum mores corrigere, ut potius animos eorum oblectare velit¹³. His de causis a recto aberrasse puto viros doctissimos Arethusae auctorem Finkensteiniū (pag. 39) et Rosenkranzium (Die Poesie und ihre Geschichte, Königsberg 1835, pag. 207), qui ethicas poetam rationes secutum esse arbitrantur. Hac igitur re, ut veritatem et quasi quandam carminibus suis alacritatem addidit, ita summam suavitatem insertis cantibus pastorum assecutus est. Respondent enim iis quae aguntur tanta cum simplicitate, ut nihil aptius, nihil locis aut actionibus magis consentaneum a cantoribus afferri potuisse credideris.

Accessimus jam ad metrum in his carminibus a Theocrito adhibitum. Excepto autem id. VIII inde a versu 33 ubique versus hexameter usurpatus est, qui versus non solum usu maxime receptus, sed etiam cum canticis illis Sicularum vetustis artissime conjunctus fuit¹⁴. Id plane ex versibus illis, quos supra (pag. 5) attuli, perspicias, quorum quidem versus III et IV in unum versum contracti totam fere versus hexametri formam imitantur. Hinc quoque ortus videtur esse caesurae post quartum dactylum usus, quae caesura tam saepe apud Theocritum occurrit, ut bucolica a grammaticis appellata sit. Haec caesura totum versum in duas partes ita distribuit, ut secunda pars brevior partem antecedentem quasi resonare videatur.

Potissime propterea post hanc caesuram a Theocrito primum versus vocabulum repetitur, veluti id. I, 64: ἄρχετε βουκολικᾶς, Μοῖσαι φίλαι, ἄρχετ' ἀοιδᾶς, et ibid. v. 127: Ἀήγετε βουκολικᾶς, Μοῖσαι φίλαι, λήγετ' ἀοιδᾶς, quocum conferas Vergilii imitationes ecl. VIII, 61: Desine Maenalios, jam desine, tibia versus, ibid. v. 68: Ducite ab urbe domum, mea carmina, dncite Daphnim, ecl. X, 11: Nam neque Parnasi vobis juga, nam neque Pindi ulla moram fecere etc. Ex Theocrito praeterea cf. id. I, 66—67: πᾶ ποτ' ἄρ' ἔσθ', ὅπῃ Δάφνης ἐτάκετο, πᾶ ποκα Νύμφαι; ἢ κατὰ Πηνειῷ καλὰ τέμπεα, ἢ κατὰ Πίνδῳ; et id. IX, 7—8: Ἀδὺ μὲν ἂ μύσχος γαρύεται, ἀδὺ δὲ χά βῶς, ἀδὺ δὲ χά σύριγξ, χάβουκόλος, ἀδὺ δὲ κήγῶν.

Hiatus hoc loco propterea facile admitti potest, quod non solum interpunctio, sed etiam ipsa caesura moram quandum recitanti interponit. Videantur primi idyllii v. 67, quem modo laudavimus, et idyllii secundi v. 154: ταῦτά μοι ἂ ξείνα μυθήσατο· ἔστι δ' ἀληθής. Nec Homerum hoc loco hiatum omnino recusasse, docet inter alia exempla Od. XVII, 301: δὴ τότε γ' ὥς ἐνόησεν Ὀδυσσεύς ἔγγυς ἔοντα. Aliud quoddam huius caesurae proprium in eo cernitur, ut aut post secundi versus antecedentis initium repetatur veluti id. I, 1—2:

Ἀδὺ τι τὸ ψιθύρισμα καὶ ἂ πίτυς, αἰπόλε, τήνα
ἂ ποτὶ ταῖς παγαῖσι μελίσσεται, ἀδὺ δὲ καὶ τὴ κτλ.,

¹³) Cf. Fritzsche, Theocrits Idyllen, Leipzig 1857. Einleitung S. 10.

¹⁴) Cf. Fritzsche, de poet. Graec. bucol. p. 19 sq.

quocum conferas ibid. v. 80—81: ἦνθον τοὶ βοῦται, τοὶ ποιμένες, ὥπόλοι ἦνθον· πάντες ἀνηρώτευν τί πάθοι κακόν· ἦνθ' ὁ Πρίηπος κτλ., quod Vergilius imitatus est ecl. II, 14—15: noune fuit satius...? nonne Menalcan? et ecl. X, 19 sqq. (venit — venit), aut ut secundus versus eodem quod prioris caesuram sequebatur vocabulo incipiatur, quod id. I, 100—101 reperitur: Κύπρι βαρεῖα, Κύπρι νειμεσσατά κτλ. Similiter Bion I, 7—8: Κεῖται καλὸς Ἀδωνίς ἐν ὥρεσι μηρὸν δδόντι, Λευκὸν μηρὸν δδόντι κτλ. et Vergilius ecl. VIII, 7—9:

. en erit unquam
ille dies, mihi dum liceat, tua dicere fata?
En erit, ut liceat?

Quartus pes caesurae bucolicae antecessus saepissime dactylum habet, nec tamen spondeum anxie hoc loco a Theocrito vitatum esse crediderim. Aliter quidem iudicarunt Valckenarius et D. Heinsius, viri et sagacissimi et de Theocriti carminibus optime meriti, qui id. I, 6 omnibus invitis codicibus κρέας pro κρήs reposuerunt, tum ut versus esset instar vicinorum bucolicus, tum ut hoc quoque loco suo more poeta scripsisse videretur. Hanc sententiam secuti sunt Brunck, Dahl, Schaefer, Jacobs, Ahrens. Κρήs primus recte ut videtur Kiesslingius restituit; idem etiam id. I, 130: ἐς Αἶδαν ἔλκομαι ἤδη, quod optimi libri mss. praebent, pro Ἄιδος retinuit¹⁵.

Ex canticis vetustis Sicularum etiam versus illi qui vocantur intercalares seu παρεμβλημένοι deprompti sunt, de quorum versuum iteratione egregie disputat Eichstadius V. Exc. in Quaestionum philologicarum specimen c. 4, praeterea Ad. Th. Herrn. Fritzsche, de poet. buc. pag. 20 et Ahrens, de ephymniis bucolicis in Bionis Epitaph. Adonidis, ed. H. Lud. Ahrens, Lipsiae 1854, pag. 29. Intercalares autem dicuntur, quod certis quibusdam locis idem semper versus repetitur, cuius rei apud Theocritum bina omnino exempla exstant, id. I: Ἀρχετε βουκολικᾶς, Μοῖσαι φίλαι, ἄρχετ' ἀοιδᾶς et id. II: Ἴνυξ, ἔλκε τὸ τήνον ἐμὸν ποτὶ δῶμα τὸν ἄνδρα. Plura videantur apud Bionem I, 6, 15 sqq., Moschum III, 8, 13 sqq., Vergilium ecl. VIII, 42, 46, 79, 84 sqq., Catullum LXII, 5, 10 sqq., LXI, 4—5, 39—40, Ovid. Heroid. IX, 146, 152, 158, 163 sqq., Ovid. Amor. I, 6, 24, 32 sqq., quorum imitationes hoc loco exscribere longum est. Cognoscimus autem intercalari hoc versu carmina in parvas strophas distribui, quas ubique pares sibi esse expectamus. Nec tamen hoc semper a poeta factum est. Namque ut in idyllio Theocriti secundo certa ratio, quam singulae sequuntur strophae, facillime perspicitur, versus enim 61 non genuinus est, ita in idyllio primo talis lex non quaerenda videtur esse. Doctissimi viri jam summo studio in hac re versati sunt, sed omnes eorum conatus, ut certum ordinem versuumque parem numerum restituant, relicta codicum fide ita inter se dissentiunt, ut magis illi viri, quid ipsi acumine ingenii valerent quam quid verum esset, demonstrasse videantur. Nec illud sane neglegendum est, licentiam hanc ex ipsa threni vehementissima commotione fortassis emanasse ipsumque poetam certum ordinem sequi omnino non voluisse.

Nonnulla carmina ita sunt composita, ut aut terni versus (id. III), aut bini versus hexametri (id. V, VIII, X), aut bina disticha elegiaca (id. VIII inde a versu 33 usque ad versum 61) singulas strophas amplectantur. Haec distributio inde potissimum oriens, ut ad proportionem quandam carmina referantur, manifestissime docet, quanta cum fide vetusta illa cantica poeta secutus esse videatur. Siciliae pastores carminibus amoebaeis inter se certare solitos esse, jam supra brevi commemoravimus. In iis carminibus haec est praecipua lex, ut praecedentibus insequentia respondeant, quique secundo loco cantat majore elegantia verborumque ornatu adversarium superare studeat. Simul non solum cogitationum, sed etiam verborum concinnitas quaedam eluceat, et utrique cantantium tantundem versus attribuantur

¹⁵) Cf. id. VIII, 13.

necesse est, quod quanta cum arte Theocritus adhibuerit, maxime ex id. VIII inde a versu tricesimo tertio cognoscitur.

Haec fere sunt, quae de carminibus bucolicis et mimicis in universum admonenda habeam. Restat ut paucis de dialecto doricā disseram, qualem in his idylliis Theocritum usurpasse arbitremur. Occurrit enim non eadem semper dialecti doricā forma, sed duplex ejus genus accuratissime discernendum est; alterum in iis quae adhuc tetigi carminibus, alterum in nonnullis epicis et uno lyrico (id. XVIII) exstat. Quod qui prae aliis cognoverint, duo laudandi sunt viri doctissimi, Fridericus Jacobs et Ernestus Fridericus Poppo, quorum hic in Prolegg. ad Thueyd. Tom. I, pag. 253, ille in Praefatione ad Anthologiam Palatinam, pag. 43 gravissime de hac re disputarunt. Est autem in carminibus bucolicis et mimicis, cum vulgare hominum sermones vitamque Theocritus nobis exhiberet, dialectus doricā durior et asperior, quam Siculam vel Syracusanam dixeris, talis certe quae non multum aberat a Sicularum usu et consuetudine. Attamen in hac re multum differt a Sophrone, qui ubi ipsam plebis vulgarem dialectum sequebatur. Theocritus autem non ubique in iisdem idylliis constanti utitur dialecti forma, sed prout soni in proximis verbis gratia et suavitas moneret aut orationis etiam genus suaderet, formas minus severas et vulgares omnino non dubitavit usurpare. Quod cum permultis exemplis a nobis firmari possit, haec attulisse sat esse opinamur. In id. II, 114 legitur *ἔφθασα*, forma communis, in versu proximo *ἔφθαξα*, forma doricā, utraque forma metri ratione satis defensa. Simili, sed non pari licentia Pindarus, qui Pyth. X, 94 *ἐκνίξε*, Pyth. XI, 36 *ἐκνίσε* habet, similem licentiam dico, quod loci ex diversis carminibus petiti sunt. In id. VIII tres ejusdem verbi formae nobis obviam fiunt, *λῶ* sive *λῆμι* (v. 6), *θῆλω* (v. 7) et *ἐθέλω* (v. 29). In id. I, 36 est *γελῶσα*, v. 95 *γελῶσις*; in id. VII, 78 *εὐφέα λάραναξ*, at versu 81 *κέρρον ἐς ἀδείαν*. In id. II, 78 recentiores omnes praeter unum Meineke *ἦς* dederunt ex conject. Toupii ob versus 92 et 124, in quibus *ἦς* scriptum exstat. Recte vero egisse putandus Meineke, nam *ἦν* ipse poeta videtur posuisse ob sequens vocabulum *ξ* (*ξανθοτέρα*). Hoc igitur teneas velim, multis locis poetam forma doricā utrum aptior esset an forma communis mollior, accuratissime perpendisse. Legebatur vulgo id. XV, 2: *ὄρη δὲ φρον, Εὐνόα, αὐτῇ*, quod nuper ab Ahrensio e conjectura in *αὐτεῖ*, formam *δαριωτάτην*, commutatum est. Fritzschius autem formam atticā *αὐτῇ* optimis libris satis munitam recte denuo restituit. Quamquam enim carmen quintum decimum totum est *μιμητικόν* et formae doricā librorum consensu praeferendae sunt, tamen nostro loco formam *αὐτῇ* consulto a poeta usurpatam esse crediderim. Praxinoa enim servam sellam apportare jubens urbanum sermonem imitatur ob eamque causam elegantiore forma atticā *αὐτῇ* utitur. Sunt praeterea loci, quibus, si optimos libros manuscriptos sequimur, aut soni suavitatis causa veluti id. VIII, 46 *σμήνεα*, id. XV, 149 *ἀγαπητέ*, id. VII, 69 *μνημένους*, aut ut maerorem quandam exprimeret, doricō a Ionum η clarum et acutum Theocritus praetulisse videatur, cf. id. II, 55, ubi forma jonica suavissima *Αἰαὶ ἔρως ἀνιηρέ* optimis libris defensa eam vim habet, ut puellae lamentationes quasi auribus nostris exaudiamus. Hinc etiam ibid. v. 38 *ἠνίδε, σιγῇ* restituendum est et v. 64 *μόννη*, ubi Ahrensius ex conj. Valckenariana *μόνα* legendum putat. His exemplis, quibus perfacili negotio plura addere possum, quamquam manifestissime majore quam recentiores aliquot critici concesserint, in adhibendis doricā et communis dialecti formis Theocritum usum esse licentia declarant, tamen lex illa non tollitur, libris optimis addicentibus doricās formas in textum revocandas esse.

Verum haec hactenus. Dicendum jam de reliquis carminum Theocriteorum generibus, de quibus quam brevissime absolvam. Ac primum pauca de epicis monere liceat, quae maximam partem juvenili studio a Theocrito composita esse pro certo habendum videtur. Comprehenduntur autem hac classe omnino septem carmina: id. XIII, XVI, XVII, XXII, XXIV, XXV, XXVI, quae quamquam in epicis argumentis versantur, tamen multis locis proxime accedunt ad carmina bucolica. Ipsa si accuratius discriminare velis, duo facile genera constituas, quorum primum nullam praebet explicandi difficultatem,

dico carmina XIII, XXII, XXIV, XXV, XXVI, ad veteres illos hymnos ac fabulas expressa, alterum duo carmina encomia in Hieronem et Ptolemaeum Philadelphum continet (id. XVI, XVII), in quibus, ut recte quid poeta exprimere voluerit intellegamus, id praesertim cavendum est, ne vel tenuissima vestigia parum diligenter persequamur. Verum totum hoc, quod non nisi excussis singulis carminibus explicari potest, ut ad consilia nostra nihil pertinens nunc quidem missum facio, cum id potius mihi tractandum susceperim, ut de epicis his carminibus quid omnino judicandum esset paucis demonstrarem. Ac dialectum quidem verbo tetigisse sufficit. Exceptis enim id. XIII, quod eandem doricā dialecti formam quam carmina bucolica habet, et id. XXIV et XXVI, quae dialectum doricā tenent ad ionicam nonnihil temperatam, in reliquis omnibus epica dialectus est, sed non usquequaque Homericā, sed in eam formam commutata, in quam praeantibus aliis epicis Alexandrinorum aetas convertit, quod qui accuratius pernoscere velint, ei legant egregiam illam Naeckii disputationem ad Choerili fragmenta pag. 69 sqq. Hinc quoque factum est, ut carmina haec epica Alexandrinorum vitia nonnulla vel soloeicimos traxerint. Eo imprimis referenda est in pronomini possessivorum usu mira Theocriti licentia. Sunt autem haec pronomina *σφέτερος*, *σφαίτερος*, *σφῶν*, *ἐός*, quorum *σφέτερος* triplici significatione adhibetur ita quidem, ut pro *ἐμός* aut pro *ὕμετερος* aut pro *ἐός* promiscue ponatur. Primi usus exemplum exstat id. XXV, 163, ubi prouti verba nunc leguntur: *εἰ σεῦ περ* (emend. Ahrens.), *σφετέρῃσιν ἐν φρεσὶ βάλλομαι ἄρτι* vocabulum *σφέτερος* pro *ἐμός* dictum est, quocum conferas Apoll. Rhod. Argon. IV, 1353: *μητέρι δὲ σφετέρῃ μενοεικέα τίσαι ἀμοιβὴν ὦν ἔκαμεν*. Alterius significationis exemplum ex id. XXII, 67 petam: *πῶς διατενόμενος σφετέρῃς μὴ φείδω τέχνης*, ubi pro *ὕμετερος* positum est, ejus usus antiquissimum exemplum praebet Hesiod. Opera et dies 2: *Μαῦσαι, δεῦτε, Δι' ἐννέπετε, σφέτερον πατέρ' ὑμειοῦσαι*, aliud Apoll. Rhod. Argon. IV, 1327: *Εὐτ' ἂν Ἀμφιπόλῃ ἄρμα Ποσειδάωνος λύσῃ, δὴ ῥα τότε σφετέρῃ ἀπὸ μητέρι τίνετ' ἀμοιβήν*. Cf. Wolf, Prolegg. pag. 248 et Buttmann, Lexil. Tom. I, pag. 52. Permultis denique locis pro *ἐός*, pron. poss. tertiae personae singularis numeri, usurpatur, ejus rei unum exemplum etiam carmina bucolica (id. XII, 4: *ὅσσον ὅς σφετέρῃς λασσιωτέρῃ ἄνδρῳ*) habent, plura reperiuntur id. XVII, 41: *ὠδὲ κε παῖδ' ὀφθαλμοῖς σφετέροισιν ἐπιτρέποι οἶκον ἅπαντα κτλ.* et id. XXII, 209: *Μεσσήνιος Ἰδῆς μέλλε κασιγνήτοιο βαλεῖν σφετεροῖο φρονήα* = fratris sui interfectorem. Videantur praeterea Apoll. Rhod. Arg. I, 167: *παῖδα δ' ἔον σφετέροισι κασιγνήτοισιν ὄπασσεν*, Hesiod. Scut. Herc. 90: *ὅς προλιπὼν σφετέρων τε δόμον σφετέρους τε τοκήας ὤχετο*, Pind. Olymp. IX, 78: *ἐξ οὗ Θετιόγνητος οὐλίῳ νιν ἐν Ἀρεῖ παραγορεῖτο μήποτε σφετέρως ἀτερθε ταξιοῦσθαι δαμασιμβρότον αἰχμᾶς*, Pyth. IV, 83: *τάχα δ' εὐθύς ἰὼν σφετέρως ἐστάθη γνώμας*, Isthm. V, 33: *σφετέρως δ' οὐ φείσατο χερσὶν βαρυφθόγγιο νευρᾷ Ἡρακλῆς*, ibid. VII, 57: *οἷς δῶμα Φερσεφόνως μανύων Ἀχιλεὺς, οὗρος Αἰακιδᾶν, Ἀλγίαν σφετέρων τε ῥίξαν πρόφαινε*, Aesch. Pers. 900: *καὶ τὰς εὐκτεάνους κατὰ κλήρον Ἰάονιον πολυάνδρους Ἑλλάνων ἐκράτηνε σφετέρως φρεσίν*, Agam. 760: *τὸ δυσσεβὲς γὰρ ἔργον μετὰ μὲν πλείονα τίτει, σφετέρῃ δ' εὐχότα γέννη*.

Simili modo ipse Thucydides lib. III, 95, 2; VII, 15; VII, 4, 3 et Polyb. V, 2, 4: *Κριθέντων δὲ τούτων ἤθροισεν τὰς τε τῶν Ἀχαιῶν νῆας καὶ τὰς σφετέρας εἰς τὸ Λέχαιον*. Uno loco (id. XXV, 55) etiam *σφαίτερος*, pron. poss. secundae personae numeri dualis, pro *ἐός* a Theocrito positum est: *ὦδε γὰρ Ἀγέλης . . . σφαίτερον σὺν παιδί* = suo cum filio, quod imitatus est Apoll. Rhod. Argon. II, 544: *ὥς δ' ὅτε τις . . . σφαίτερον δ' ἐνόησε δόμον κτλ.* Eadem quae apud *σφαίτερος* insolentia etiam in usu pronominis possessivi *σφῶν* cernitur, quod semel a Theocrito pro *ὕμιν* usurpatum est id. XXII, 166: *σφῶν δ' ἄλλον (sc. γάμον) ἐπιφραζώμεθα πάντες*. Saepius *ἐός* pro *σός* occurrit, de qua re copiosius disputarunt Wolf, Prolegg. ad Hom. pag. 248 sq., Fischer ad Weller, Gram. II, 237 sq., Matthiae, Gr. §. 489. Quae hujus rei apud Theocritum exstant exempla, omnia ad carmina epica pertinent¹⁶⁾.

¹⁶⁾ Cf. id. XVII, 50: *ἀλλὰ μιν . . . ἐς τὸν κατέθηκας, ἰὰς δ' ἀπεδάσσο τιμᾶς*, id. XXII, 173: *Ἰδῆς μὲν καὶ ὄμμας ἰδῆς, κρατερὸς Πολυδῆκης, χεῖρας ἐρωήσουσιν*, id. XXIV, 36: *ἀνστα, μηδὲ πόδεσσιν ἰοῖς ὑπὸ σάνδαλα θίγῃς*.

nisi forte id. X, 2 vulgarem lectionem οὐτε τὸν ὄγκον ἄγειν ὁρθὸν δύνα in οὐδ' ἑὸν κτλ. commutare praeferas, quod librorum complurium fide satis comprobatur Hermannus Fritzsche in textum nuper recepit.

Effluxisse hanc licentiam ex ipso Homero facile intelleges, si collatis Od. I, 402; IV, 192; II. XIX, 174; X, 398 multa ejusmodi jam ab Aristarcho mutata et correcta esse reputaveris. Cf. Buttmann, Lex. I, pag. 90; Thiersch §. 204, 205; Rost, Dialect 44, pag. 412; Kühner I, §. 332.

Alia denique Alexandrinorum sermonis imitatio in eo cernitur, ut nom. dual. part. locum pluralis obtineat, cf. id. XXII, 213: αὐτοὶ τε κρατέοντε κτλ. et id. XXV, 137: δεινὸν δ' ἐβρυχάοντο φόνον λεύσσοντε προσώπων, quod et ipsum ex Homeri imitatione depromptum esse loci docent: II. I, 567; V, 487. Adde Fr. Jacobs in Not. Crit. ad Anth. Palat. Tom. I, pag. 344, Matth. Gr. §. 300 Not., Krüger I et II, §. 63, 3.

Verum cum hac quam instituimus quaestione alia arte conjuncta est, quae quamquam vim magnam habet ad artem criticam exercendam, tamen ne fines suos disputatio haec transgrediatur, breviter tantum attingi potest. Spectat ea hiatus, quorum cum in bucolicis et lyricis, tum in his epicis carminibus magna copia occurrit. In illis hiatus rariores ita plerumque a poeta admittuntur, ut propter digammatis vim aurbis minus molestum sit, in his sunt frequentiores atque insolentiores, saepe Homerica tantum imitatione excusandi. Illius igitur generis exempla non offendimur legentes, veluti εὐ εἰπόντα (id. XVI, 13), εὐ ἔρξει (id. XVI, 25), φίλα εἰδώς (id. XVII, 18), αὖ ἴδοιτε (id. XXIV, 9), χαίρει, ἄναξ (id. XVII, 135; XXV, 150), de qua re videatur Hoffmann, Quaestt. ep. pag. 89; duriora inter alia haec reperiuntur: ἀλλὰ διεξάειξε (sc. ἡ Ἀργώ), βαθὺν δ' εἰσέδραμε Φαῖσιν, αἰετός ὥς μέγα λαῖμα' ἀφ' ᾧ τότε χοιράδες ἔσταν (id. XIII, 23—24), εἰπέ θεά, σὺ γὰρ οἶσθα' ἐγὼ δ' ἐτέρων ὑποφύγης (id. XXII, 116)¹⁷⁾, Ἀργεῖοι ἐπὶ παιδί (id. XIII, 49), ἐπὶ ψυχοῦ Ἀχέροντος (id. XVI, 31), εἴξας ἢ Ἀχιλλεύς (id. XVI, 74), χθαμαλὰ Ἀἴγυπτος (id. XVII, 79), ὑπὸ ζαθέω Ἑλικῶνι (id. XXV, 209), quibus praeterea comparentur id. XVI, 84; id. XVII, 38, 104, 114; id. XXII, 26, 39; id. XXIV, 27, 90, 116, 141; id. XXV, 36, 71, 267¹⁸⁾.

Sed de hac re verbosior esse nolo, quoniam ut facile permulta exempla afferre possum, ita accuratissima disputatione opus esse credo, ut res in omnes partes absolvatur. Multa praeterea docent, Theocritus quanta cum fide in his epicis carminibus Homerum imitatus sit. Nam in carminibus bucolicis cum rarissime breves syllabae metri causa producantur (id. I, 115; id. III, 12), in his epicis summa licentia inest eademque quae apud Homerum invenitur. Omnia autem enumerare cum longum videatur, eligo haec, id. XXII, 19: αἶψα δ' ἀπολήγοντ' ἄνεμοι, λιπαρὰ δὲ γαλήνη κτλ., id. XXIV, 42: δαιδάλεον δ' ὥρμασε μετὰ ξίφος, ὃ οἱ ὑπερθεῖν κτλ., id. XXV, 10: αἶ δ' ἱερὸν θεῖοιο παρὰ θύον Ἀλφειοῖο κτλ., id. XXV, 12: χωρὶς δὲ σηκοί, ibid. 73: τοὺς μὲν ὄγε λάεσσιν, ibid. 138: σθένει φ', ibid. 246: πλντοθεν εἰληθέντος ὑπὸ λαγόναις τε καὶ ἰξύν, quibus cum conferas quae ex Homero congesserunt Hoffmann, Quaestt. Hom. I, pag. 132, Hermann, Orph. pag. 706.

Jam omissis ipsis dictionibus, quae permultae ex Homeri carminibus desumptae sunt veluti id. XVI, 6, 84; id. XXII, 42, 118; id. XXV, 2, 37, 228, duas alias res commemorare mihi liceat, quae quamquam semel fere obviam fiunt, tamen qualem Homeri aemulationem poeta exercuerit, manifestissime docent. Unum exemplum exstat id. XXV, 76 sq., ubi haec leguntur: χαίρων ἐν φρεσὶν ἦσιν, ὁδοῦνεκεν αὖλιν ἔρυντο αὐτοῦ γ' οὐ παρόντος· ἔπος δ' ὄγε τοῖον ἔειπεν. In his versibus pronomine ὄγε subjectum antecedens repetitur, quamvis tali iteratione opus omnino non sit. Eandem explicationem habet id. XVII, 126. In hoc usu Homerum praevisse constat, cf. Ilias II, 664: αἶψα δὲ νῆας ἔπηξε, πολὺν

¹⁷⁾ Cf. Hom. II. V, 898; Spitzner, de versu Gr. her. pag. 143.

¹⁸⁾ Cf. Hom. Od. II, 17: ἀπὸ ἀντιθέω Ὀδυσῆϊ, ibid. 259: θεῖον Ὀδυσῆος, Od. III, 300: Αἰγύπτῳ ἐπὶ λαοσσι, Ilias II. 111: εἴη ἰδὼς βαρεῖα, IV, 531: τῷ ὄγε, V, 153: ἄρρω τηλεγέτω' ὁ δὲ κτλ., XI, 616: γέλω ἐπὶ αἰετῷ ἰταίῳ, XIV, 126: τῷ οἶα ἄν με γέναι, XIV, 350: τῷ ἐν λεξίσθῃ, XV, 142: θρόνῳ ἐν, XVII, 106: κρατερῇ ὑμῖν.

δ' ὄγε λαὸν Ἀργείας κτλ. Adde II. I, 65; Od. I, 4; III, 227. Etiam vocabulum ἄμος id. XXII, 69: οὐ γύναις ἄμος κεκλήσεθ' ὁ πύκτης = οὐ γύναις τις¹⁹⁾, quod primus pro ἑὸν Hauptius restituit, putandum est poetam ex Homeri imitatione deprompsisse²⁰⁾.

Tertium quod carminum Theocriteorum genus constituimus, carmina lyrica comprehendit, idyllia XII, XVIII, XXVIII, XXIX, quorum id. XII et XVIII versibus hexametris scripta sunt, id. XXVIII et XXIX numeros Alcaeos servant. In id. XII regnat dialectus ionica, id. XVIII Ἑλένης ἐπιθαλάμιος, quoniam a virginibus Lacedaemoniis cantatur, dialectum doricam molliorem habet, de qua videantur quae jam supra disputavimus. Id. XXVIII, suavissimum carmen in commendationem coli eburnae, quam poeta Miletum profecturus Theogenidi Niciae amici conjugi donum destinavit, scriptum, et id. XXIX, quod inscribitur παιδικά, cum omni genere ad Alcaeī Sapphusque exempla composita sint, dialectum aeolicam habent nec tamen eam, quae in Alcaeī veterumque lyricorum reliquiis deprehenditur. Nam doria dialectus tanquam fundamentum subest, ut eam a poeta prudenter tantum temperatam lyricoque argumento et metro accomodatam esse vere contenderis.

De epigrammatis, quorum multa pro suppositiciis habenda sunt, nil posse universe admoneri, ipsa varietas argumentorum docet, quorum explanatio non modo molestissima est, sed etiam ad id quod nobis proposuimus nihil pertinet. Est autem in iis maximam partem doria dialectus mollior, excepto eo quod in Epicharmum scriptum est (ep. XVII), in quo consulto severioris Dorismi formae servatae sunt.

Absolvi tandem de carminum Theocriteorum generibus attingens tantum, quae in summa rerum abundantia maxime mentione digna videbantur. Jam de loco quodam difficiliore idyllii XVIII breviter dicendum est. Sunt enim multa adhuc in hoc carmine, de quibus diversissime a viris doctissimis judicatur. Inter omnia autem, quae in dubitationem vocantur, summis versus 26 et 27 interpretum studiis agitados esse video. Versus hi in codd. sic leguntur:

Ἀὖς ἀνέλλοισα καλὸν διέφανε πρόσωπον
πότνια νῆξ ἄτε λευκὸν ἔορ χειμῶνος ἀνέντος.

Haec verba vitium traxisse, nemo est quin sponte intellegat. Genuinam autem poetae manum restituere propterea hoc loco difficillimum est, quod omnes libri in scribendis his duobus versibus ita consentiunt, ut inde medicina expectari non possit. Itaque mutatione opus est, quamquam hoc omnino teneas velim, iudicium de restituenda vera lectione in paucis scriptoribus adeo esse incertum quam in Theocrito. Certa via autem ac ratione si progredi velimus, totius loci sententia paucis expromenda est. Cantant enim duodecim nobilissimae Lacedaemoniorum civitatis puellae ante Menelai et Helenae thalamum carmen nuptiale, in quo postquam pauca de impatientia sponsi luserunt, beatum eum praedicant, quod jam conjugio illo ipsi Jovi affinitate junctus sit, tum ad laudes Helenae celebrandas transeunt. Comparatur autem Helena cum reliquis puellis Spartanorum, quarum nullam, si illi comparentur, vitio carere poeta ait (τὰν οὐδ' ἂν τις ἄμωμος, ἐπεὶ χ' Ἑλένη παρὶσσωθῇ). Quanta autem sit reginae pulchritudo ut explicetur, comparationes aliquot sequuntur, ex quibus quae v. 26 et 27 leguntur, ad faciem magis spectare crediderim, contra quae v. 29 et 30 continentur comparationes, ad gracilem proceramque corporis staturam laudandam pertinent, nam sicut magna cupressus arvum aut hortum ornans eminet (πυλὴα μεγάλα αἶ' ἀνέδραμε κόσμος ἀρούρα ἢ κάπω κυπάρισσος ἢ ἄρματι Θεσσαλὸς ἵππος, ὧδε κτλ.). Duas autem comparationes versibus 26 et 27 contineri arbitror, ea potissimum ratione ductus, quod etiam versus 29 et 30 complures comparationes exhibent. Quod si pro recto statuas, Helena comparatur cum aurora et vere ob oris venustatem, cum cupresso ob corporis gracilitatem, cum equo Thessalo ob currendi celeritatem. Sensus

¹⁹⁾ Cf. Schol. Odys. I, 10. Haupt, Rhein. Mus. 1845, IV, pag. 277.

²⁰⁾ Cf. Odys. I, 10: τῶν ἀμόθεν γε κτλ.

igitur versuum 26 et 27 hic videtur esse: Quemadmodum aurora oriens os pulchrum effert, quemadmodum ver nitidum splendet hieme soluta, sic etiam Helena elucebat inter nos. Id igitur spectantes, corruptelam ut detegerent multa viri doctissimi conati sunt, quorum emendationes qui pernoscere velint, evolvant Theocriti editiones a Kiesslingio et ab Joh. Aug. Jacobsio curatas, et quae praeterea de his versibus congressit Joh. Gottl. Zetzsche: Quaestt. Theocrit. particula tertia, qua agitur de id. XVIII, 26 sqq. Altenb. 1851. Non est huius loci, omnia ea conamina accuratius perquirere, ex multis pauca afferam. Omnium autem, quotquot in lucem adhuc prodierunt, Eldickii medela magnopere probatur proponentis haec: Ἀὼς ἀντέλλουσα καλὸν αἶ' ἔφαινε πρόσωπον πότνια νύξ, αἶτε λευκὸν κτλ. = quemadmodum alma aurora oriens pulchram faciem ostendit nocti, quemadmodum ver nitidum hieme soluta, sic etc. Nec Koehleri emendationem displicuisse video:

Πότνια νύξ, αἶτε, λευκὸν ἔαρ χειμῶνος ἀνέντος,
Ἀὼς ἀντέλλουσα καλὸν τοι ἔφαινε πρόσωπον κτλ.

Hanc emendationem Brunckius „tanquam elegantissimam et procul dubio verissimam“ in textum admisit. Eandem probarunt Harlesius, Siebdratius, J. H. et H. Vossii. Omissis autem aliis, quae in hac lectione offensionis aliquid habere videantur, rectissime Eichstadius monuit in Quaestt. philol. spec. pag. 13, causam nullam apparere, quare „puellae in comparatione simpliciter in omnes partes instituta confestim ad noctem sese converterint eamque per apostrophen quandam appellarint“. Rectius igitur Toupius, qui locum sic corrigendum esse censuit: Πότνια νύξ, αἶτε, λευκὸν ἔαρ χειμῶνος ἀνέντος, Ἀὼς ἀντέλλουσα καλὸν διέφαινε πρόσωπον, ὥδε κτλ. Aliam viam ingressus est Heinrichus, qui auctoritate ductus cod. Vaticani sublato vocabulo Ἀὼς particulam ὥς substituit. Legendum igitur jubet: ὥς ἀντέλλουσα καλὸν διέφαινε πρόσωπον πότνια νύξ, αἶτε λευκὸν κτλ. Hanc rationem cum multi alii tum Dahlus secutus est, qui lectionem Heinrichianam iisdem verbis in textum recepit. In his verbis Nox pro Luna accipienda est; versus igitur sic a viris illis doctissimis explicantur: Quemadmodum alma Luna oriens os pulchrum effert, et quemadmodum ver nitidum hieme soluta, sic etc. Pulcherrimum sane nec indignum Theocrito, si noctem pro Luna a Graecis usurpata esse exemplis demonstrari posset. At docuit Eichstadius in Quaestt. phil. spec. cap. 2, falsum esse Νύκτα a Graecis pro Σελήνῃ dici. Itaque eam vocabulum Ἀὼς omnino non removendum videretur, Eldickii nutum secutus unius litterae immutatione Eichstadius locum ita emendavit: Ἀὼς ἀντέλλουσα καλὸν αἶ' ἔφαινε πρόσωπον, πότνι' ἀναξ, αἶτε κτλ. Sic vocabulum ἀναξ ad Ἀὼς ἀντέλλουσα referendum dictum est pro ἀνασσα, de quo loquendi usu videndus Mitscherlich in Not. ad Hom. Hym. in Cererem v. 58, qui ἀναξ in iis esse verbis ostendit, quae veteres poetae de utroque genere adhibuerint. Negavit hoc Ilgenius ad Hom. Hym. pag. 517 sqq., affirmat cum Eichstadio Hermannus, de metris Pind. pag. 303. Sed hoc utut est, negari non potest, auroram insolenter reginam a poeta appellari. Quod Reisigius cum nuper intellegeret, in Comment. crit. ad Soph. Oed. Col. pag. 388 Eichstadium verba corrupta recte quidem emendasse, sed falso explicasse opinatus est. Helenam enim ipsam venerandam reginam esse; verba igitur πότνι' ἀναξ vocativi, non appositionis locum tenere. Sed etiam hanc explicandi rationem falsam esse judico.

Inter recentiores, qui in corrigendo hoc loco magnam operam navarunt, prae aliis nominandi sunt Hermannus et Ahrensins, quorum ille versus sic emendat: πότνι' αἶ' ἀντέλλουσα καλὸν διέφαινε πρόσωπον Ἀὼς ἢ αἶτε λευκὸν κτλ., hic tali modo locum refigendum esse putat: Ἀὼς ἀντέλλουσα καλὸν διέφαινε πρόσωπον, πότνια νυκτὶ σελάνα, ἔαρ χειμῶνος ἀνέντος ὥδε κτλ. Hermannii emendationem, quae reliquas omnes probabilitate sua longe superat, libenter in textum admitterem, nisi verbum διαφαίνειν in versu priore animum offenderet; aurora enim non per noctem conspicua est, ut Helena inter aequales. Ahrensii autem conjectura audacior est quam quae recipienda videatur. Ipse igitur has virorum doctorum emendationes cum iterum iterumque pertractarem, in nullo omnium conaminum recte acquiesci posse persuasum mihi habui. In priore versu verbum διαφαίνειν ferri non posse, primus recte Eldickius vidit,

in hoc tamen a viri summi sententia discedo, ut scribendum potius esse censeam αἶ' ἔφαινε pro αἶ' ἔφαινε, quod aoristum postulat et res ipsa et quae sequitur comparatio πειρὰ μεγάλα αἶ' ἀνέδραμε κόσμος ἀρούρα, ubi ἀνέδραμεν optimis libris Mss. satis defenditur. Quomodo autem accidere potuerit, ut αἶ' ἔφαινε in διέφαινε corrumperetur, luce clarius est. Versum igitur priorem scribendum esse Ἀὼς ἀντέλλουσα καλὸν αἶ' ἔφαινε πρόσωπον recte contendere mihi videor. Ultimam syllabam vocabuli καλὸν hoc loco productam esse, nihil est quod nos possit offendere; cf. Theocr. XXV, 203: γαῖον ἄλιγτα, ibid. 50: θεὸς ἐπιδενέα, III, 12: ἐμὸν ἄχος. Hic usus ex Homero desumptus videtur esse, qui libenter vocabula in — os et — on, quae versum pyrrichium efficiunt, si in quarta arsi collocentur, metri causa producit; cf. Spitzner, de versu Gr. her. pag. 62. Καλὸς autem syllabam priorem apud Theocritum ubivis correptam habet, cf. III, 18 τὸ καλὸν ποθορεῖσα, V, 135 καλὸν τι φιλεῖν, XV, 73 ἐν καλῷ εἶναι, II, 11 φαίνει καλὸν etc. Regulam hanc non labefactat id. XV, 62 καλλίστα παίδων prima syllaba producta, nam hoc consulto a poeta factum esse ex litt. λ geminata facile cognoveris.

Plus operae et difficultatis versus secundus offert, qui in omnibus codd. eodem modo depravatus exstat. Legitur autem sic: πότνια νύξ αἶτε λευκὸν ἔαρ χειμῶνος ἀνέντος. Verba ultima λευκὸν κτλ. incorrupta nobis tradita esse cum putandum sit, omnis causa in corrigenda priore parte cernitur. Ac jam supra demonstravimus, duas comparationes versibus 26 et 27 contineri, quarum alteram v. 27 amplectatur. Certissimum est, in hoc versu Helenae pulchritudinem cum vere ineunte comparari. Poetam igitur haec exprimere voluisse puto: Quemadmodum ver nitidum os pulchrum effert, sic etiam Helena elucebat inter nos. Hanc comparationem cum priore particula ἢ a Theocrito conjunctam esse verba proxima declarant: πειρὰ μεγάλα αἶ' ἀνέδραμε κόσμος ἀρούρα ἢ κάπρῳ κυπάρισσος ἢ ἄρματι Θεσσαλὸς ἵππος. — Ἀτε igitur quamquam omnibus libris Mss. traditur, tamen pro genuina lectione haberi non potest. Accessimus jam ad initium versus, de quo quid statuendum esset viri doctissimi diversissime judicaverunt. Omnia autem eorum conamina propterea potissimum a recto aberrasse puto, quod vocabulum νύξ e texto removendum esse praeter Hermannum et Meineckium nemo intellexit. Ferri autem omnino non potest, si adjectivum πότνια servatur, quod retinendum esse cum multis aliis causis probabile fit, tum quod aptissime ad Ἀὼς refertur. Ac verba secundi versus jam mature depravata fuisse cum credendum sit, facile fieri potuit, ut propter vocabulum antecedens Ἀὼς falso Νύξ a grammaticis reciperetur. Quae cum ita sint, cum Νύξ per vitium in textum irrepsisse videatur, aliud quoddam exquirendum est, quod et scripturae codicum respondeat nec loci sententia indignum videatur. Hoc vocabulum pronomen poss. εὐν fuisse suspicor, ductus ad talem opinionem hac potissimum ratione. Εὐν enim si scripsisse poetam arbitramur, corruptelam verba unde traxisse videantur, plane cognoscitur. Nam εὐν in αἶτε facillime depravari potuisse nemo est, quin extemplo collatis litteris intellegat. Id eo magis fieri potuit, quod etiam in priore versu particulam αἶτε scriptam fuisse a poeta supra brevi exposuimus. Hoc modo apertum etiam fit, quomodo particula ἢ excidere potuerit. Lacunam autem hoc modo ortam ut resarcirent, νύξ a grammaticis propter Ἀὼς ni fallor in verbis antecedentibus inserebatur. Pro πότνια denique metri causa πότνα scribendum est, cujus formae exemplum id. II, 69: φράξέ μεν τὸν ἔρωδ' ὅθεν ἵκτο, πότνα Σελάνα praebet. Singula igitur si colligimus, versus sic emendandos esse censeo:

Ἀὼς ἀντέλλουσα καλὸν αἶ' ἔφαινε πρόσωπον
Πότνα εὐν ἢ λευκὸν ἔαρ χειμῶνος ἀνέντος.

Augustus Wietfeldt.

